



東坡集卷第三

詩七十六首

泗州僧伽塔

我昔南行舟繫汴逆風三日沙吹面舟人共勸禱靈
塔香火未收旗脚轉回頭須刻失長橋却到龜山未
朝飯至人無心何厚薄我自懷私欣所便耕田欲雨
刈欲晴去得順風來者怨若使人人禱輒遂造物應
須日千變我今身世兩悠悠去無所逐來無戀得行
固願留不惡每到有求神亦倦退之舊云三百尺登
觀所營今已換不嫌俗士汗冊椽一看雲山遠淮甸



龜山

我生飄蕩去何求，再過龜山歲五周。
身行萬里半天，下僧卧一庵。
初白頭地，隔中原勞北望。
潮連滄海欲東遊。
元嘉舊事無人記，故壘摧頽今在不。
宋文帝遣將拒魏太武築城此山

發洪澤中塗遇大風復還

風浪忽如此，吾行欲安歸。
掛帆却西邁，此計未爲非。
洪澤三十里，安流去如飛。
居民見我還，勞問亦依依。
攜酒就船賣，此意厚莫違。
醒來夜已半，岸木聲何微。
明日淮陰市，白魚能許肥。
我行無南北，適意乃所祈。

荷勞弄澎湃，終夜搖例扉。
妻孥莫憂色，更典篋中衣。
十月十六日記所見

風高月暗雲水黃，淮陰夜發朝山陽。
山陽曉霧如細雨，炯炯初日寒無光。
雲收霧卷已亭午，有風北來寒欲僵。
忽驚飛雹穿戶牖，迅駛不復容遮防。
市人顛沛百賈亂，疾雷一聲如頽墻。
使君來呼晚置酒，坐定已復日照廊。
恍疑所見皆夢寐，百種變怪旋消亡。
共言蛟龍厭舊穴，魚鼈隨徙空陂塘。
愚儒無知守章句，論說黑白推何祥。
惟有主人言可用，天寒欲雪飲此觴。
廣陵會三同舍各以其字爲韻，仍邀同賦。

劉貢父

去年送劉郎醉語已驚衆如今各漂泊筆硯誰能弄
我命不在天昇穀未必中作詩聊遣意老大慵譏諷
夫子少年時雄辯輕子貢尔來再傷弓戢翼念前痛
廣陵三日飲相對恍如夢况逢賢主人白酒撥春甕
竹西已揮手灣口猶屢送羨子去安閑吾邦正喧閤

孫巨源

三年客京輦憔悴難具論揮汗紅塵中但隨馬蹄翻
人情責往返不報生旣根坐令平生友終歲不及門
南來實清曠但恨無與言不謂廣陵城得逢劉與孫

異趣不兩立譬言如玉孫猿吾儕久相聚恐見疑排根
我編類中散子通真巨源絕交固未敢且復東南奔

劉莘老

江陵昔相遇幕府稱上賓再見明光宮我冠挹搢紳
如今三見子坎壈為逐臣朝遊雲霄間欲分丞相茵
莫落江湖上遂與屈子隣了不見喜愠子豈真可人
邂逅成一歡醉語出天真士方在田里自比渭與莘
出試乃大謬芻狗難重陳歲晚多霜露歸耕當及辰

遊金山寺

我家江水初發源宦遊直送江入海聞道潮頭一丈

高天寒尚有沙痕在中冷南畔石盤陀古來出沒隨
濤波試登絕頂望鄉國江南江北青山多羈愁畏晚
尋歸楫山僧苦留看落日微風萬頃靴文細斷霞半
空魚尾赤是時江月初生魄二更月落天深黑江心
似有炬火明飛焰照山棲鳥驚悵然歸卧心莫識非
鬼非人竟何物江山如此不歸山江神見怪驚我頑
我謝江神豈得已有田不歸如江水是夜所見如此

自金山放船至焦山

金山樓觀何耽耽撞鐘擊鼓聞淮南焦山何有有脩
竹採薪汲水僧兩三雲霾浪打人迹絕時有沙戶祈

春蚕我來金山更留宿而此不到心懷慙同遊盡返
決獨往賦命窮薄輕江潭清晨無風浪自湧中流歌
嘯倚半酣老僧下山驚客至迎笑喜作巴人談自言
久客忘鄉井只有彌勒爲同龕困眠得就紙帳暖飽
食未厭山蔬耳山林飢卧古亦有無田不退寧非貪
展禽雖未三見黜叔夜自知七不堪行當投劾謝簪
組爲我佳處留茆庵其人謂水中可田者爲沙焦山長老中江人也

甘露寺

江山豈不好獨遊情易闌但有相攜人何必素所歡
我欲訪甘露當途無閑官二子舊不識欣然肯聯鞍

東坡集卷之三
古邨山爲城層梯轉朱欄樓臺斷崖上地窄天水寬
一覽吞數州山長江漫漫却望大明寺惟見烟中竿
很石卧庭下穹隆如伏羶緬懷卧龍公挾策事瑯嶞
一談收御子再說走老瞞名高有餘想事往無留觀
蕭翁古鐵鑊相對空團團坡陀受百斛積雨生微瀾
泗水逸周鼎渭城辭漢盤山川失故態怪此能獨完
僧繇六化人霓衣挂冰紈隱見十二疊觀者疑夸謾
破板陸生畫青倪戲盤淵上有二天人揮手如翔鸞
筆墨雖欲盡典刑垂不刊赫赫贊皇公英姿凜以寒
古柏親手種挺然誰敢干枝撐雲峯裂根入石窟蟠

薙草得斷碑斬崖出金棺瘞歲豈不牢見伏理可歎
四雄比龍虎遺迹儼未刊方其盛壯時爭奪肯少安
廢興屬造物遷逝誰控搏泥彼妄庸子而欲事所難
古今共一軌後世徒辛酸聊興廣武歎不待雍門彈

次韻子由柳湖感物

憶昔子美在東屯數間茆屋蒼山根朝吟草木調蠻
獠欲與猿鳥爭秋喧子今憔悴衆所棄驅馬獨出無
往還惟有柳湖萬株柳清陰與子供朝昏胡為譏評
去不少借生意凌挫難爲繁柳雖無言不解愠世俗
下見應憮然嬌姿共愛春濯濯豈問空腹脩地蟠朝

東坡集卷之三
看濃翠傲炎赫夜愛踈影搖清圓風翻雪陣春絮亂
蠹響喙木秋聲堅四時盛衰各有態搖落淒愴驚寒
溫南山孤松積雪底抱凍不死誰復賢

遠蔡冠卿知饒州

吾觀蔡子與人遊掀脰笑語無不可平時儻蕩不驚
俗臨事迂闊乃過我橫前坑穿衆所畏布路金珠誰
不裹尔來變化驚何速昔號剛強今亦頗憐君獨守
廷尉法晚歲却理鄱陽柁莫嗟天驥逐羸牛欲試良
玉須猛火世事徐觀真夢寐人生不信長轆轤知君
決獄有陰功他日老人酬魏顆

次韻楊褒早春

窮巷淒涼苦未和君家庭院得春多不辭瘦馬騎衝
雪來聽佳人唱踏莎破恨徑須煩麴蘖增年誰復怨
羲娥良辰樂事古難並白髮青衫我亦歌細雨郊園
聊種菜冷官門戶可張羅放朝三日君恩重睡美不
知身在何

初到杭州寄子由二絕

眼看時事力難任貪戀君恩退未能逢鈍終須投劾
去使君何日換龔丞

聖明寬大許全身衰病摧頽自畏人莫上岡頭苦相

望吾方祭竈請比隣

次韻柳子玉二首

地爐

細聲蚯蚓發銀餅擁橫眠天未明衰髮鑷殘歎雪
領壯心降盡倒風旌自稱丹竈錙銖火倦聽山城長
短更聞道床頭惟竹几夫人應不解卿卿俗謂竹几

紙帳

亂文龜殼細相連慣卧青綾恐未便絜似僧巾白氈
布暖於蠻帳紫茸氈錦衾速卷持還客破屣那愁仰
見天但恐嬌兒還惡睡夜深踏裂不成眠

臘日遊孤山訪惠勤惠思二僧

天欲雪雲滿湖樓臺明滅山有無水清出石魚可數
林深無人鳥相呼臘日不歸對妻孥名尋道人實自
娛道人之居在何許寶雲山前路盤紆孤山孤絕誰
肯廬道人有道山不孤紙窓竹屋深自暖擁褐坐睡
依圓蒲天寒路遠愁僕夫整駕催歸及未晡出山迴
望雲木合但見野鶻盤浮圖茲遊淡泊歡有餘到家
恍如夢蘧蘧作詩火急追亡逋清景一失後難摹

李杞寺丞見和前篇復用元韻答之

獸在藪魚在湖一入池檻歸期無誤隨弓旌落塵土

東坡集卷之三
坐使鞭箠環呻呼追胥連保罪及孥近嬰獲益賊皆生同保徒其家
百日愁歎一日娛白雲舊有終老約朱綬豈合山人
紆人生何者非蘧廬故山鶴怨秋猿孤何時自駕鹿
車去掃除白髮煩菖蒲麻鞋短後隨獵夫射弋孤兔
供朝脯陶潛自作五柳傳潘閔畫入三峰圖吾年凜
凜今幾餘知非不去慙衛蘧歲荒無術歸亡逋鷓則
易晝虎難摹

再和

東望海西望湖山平水遠細欲無野人踈狂逐漁釣
刺史寬大容歌呼君息飽煖及爾孥才者不閑拙者

娛穿巖度嶺脚力健未厭山水相縈紆三百六十古
精廬出遊無伴籃輿孤作詩雖未造藩閩破悶豈不
賢樗蒲君才敏贍兼百夫朝作千篇日未晡竭來湖
上得佳句從此不看營丘圖知君篋橐富有餘莫惜
錦繡償營蘧窮多鬪嶮誰先逋賭取名畫不用摹

遊靈隱寺得來詩復用前韻

君不見見錢塘湖錢王壯觀今已無屋堆黃金斗量珠
運盡不勞折簡呼四方宦遊散其孥宮闕留與閑人
娛盛衰哀樂兩頭更何用多憂心鬱紆溪山處處皆
可廬最愛靈隱飛來孤喬松百丈蒼髯鬚擾擾下笑

柳與蒲高堂會食羅千夫撞鍾擊鼓喧朝晡凝香方
丈眠甃甃絕勝絮被縫海圖清風時來驚睡餘遂超
羲皇傲儿蘧歸時挾鴉正畢逋孤煙落日不可摹

戲子由

宛丘先生長如丘宛丘學舍小如舟常時低頭誦經
史忽然欠伸屋打頭斜風吹帷雨注面先生不愧傍
人羞任從飽死笑方朔肯為兩立求秦優眼前勃磈
何足道處置六鑿頂天遊讀書萬卷不讀律致君堯
舜知無術勸農冠蓋開如雲送老鹽齏耳似蜜門前
萬事不掛眼頭雖長低氣不屈餘杭別駕無功勞畫

堂五丈容旂旄重樓跨空兩聲遠屋多人少風騷騷
平生所慙今不耻坐對疲氓更鞭笞道逢陽虎呼與
言心知其非口諾唯居高忘下真何益氣節消縮今
無幾文章小枝安足程先生別駕舊齊名如今衰老
俱無用付與時人分重輕

越州張中舍壽樂堂

青山偃蹇如高人常時不肯入官府高人自與山有
素不待招邀滿庭戶卧龍蟠屈半東州萬室鱗鱗捩
其股背之不見與無同狐裘反衣無乃魯張君眼力
覩天奧能遣荆棘化堂宇持願安坐不出門收攬奇

秀得十五才多事少厭閑寂卧看雲煙變風雨笋如玉筋椹如簪強飲且為山作主不憂兒輩知此樂但恐造物怪多取春濃睡足午因明想見新茶如潑乳

姚屯田挽詞

京口年來耆舊哀高人淪喪路人悲空聞韋叟一經在不見恬侯萬石時貧病只知為善樂逍遙却恨棄官遲七年一別真如夢猶記蕭然瘦鶴姿

送岑著作

懶者常似靜靜豈懶者徒拙則近於直而直豈拙歟夫子靜且直雍容時卷舒嗟我復何為相得歡有餘

我本不遠世而世與我殊拙於林間鳩懶於水底魚人皆笑其狂予獨憐其愚直者有時信平靜者不終居而我懶拙病不受砭藥除隘行怪酒薄已與別淚俱後會豈無時遂恐出處踈惟應故山夢隨子到吾廬

吉祥寺賞牡丹

人老簪花不自羞花應羞上老人頭醉歸扶路人應笑十里珠簾半上鉤

吉祥寺僧求閣名

過眼榮枯電與風久長那得似花紅上人宴坐觀空

東坡集卷之三
閣觀色觀空色即空

和劉道原見寄

敢向清時怨不容
直嗟吾道與君東
坐談足使淮南懼
歸去方知冀北空
獨鶴不須驚夜旦
群鳥未可辨雌雄
廬山自古不到處
得與幽人子細窮

和劉道原詠史

仲尼憂世接輿狂
臧穀雖殊竟兩亡
共客漫陳豪士賦
相俟初笑越人方
名高不朽終安用
日飲無何計亦良
獨掩陳編弔興廢
因前山雨夜浪浪

和劉道原寄張師民

仁義大捷徑詩書
一旅亭相夸綬若若
猶誦麥青青腐鼠
何勞嚇高鴻
本自冥顛狂不用喚
酒盡漸須醒

送張職方吉甫赴閩漕六和寺中作

羨君超然鸞鶴姿
江湖欲下還飛去
空使吳兒怨不
留青山漫漫七閩路
門前江水去掀天
寺後清池碧玉環
君如大江日千里
我如此水千山底

雨中遊天竺靈感觀音院

蠶欲老麥半黃
前山後山雨浪浪
農夫輟耒女廢筐
白衣仙人在高堂

和蔡準即中見邀遊西湖三首

夏潦漲湖深更幽西風落未笑
蓉秋飛雪闇天雲拂地新蒲出水柳映洲湖上四時看不足惟有人生飄若浮解顏一笑豈易得主人有酒君應留君不見錢塘遊宦客朝推囚暮決獄不因人喚何時休

城市不識江湖幽如與蟋蟀語春秋試令江湖處城市却似麋鹿遊汀洲高人無心無不可得坎且止棄流浮公卿故舊留不得遇所得意終年留君不見拋官彭澤令琴無絃巾有酒醉欲眠時遣客休

田間決水鳴幽幽插秧未遍麥已秋相攜燒筍苦竹寺却下踏藕荷花洲船頭斫鮮細縷縷船尾炊玉香

浮浮臨風飽食得其寢肯使細故胸中留君不見壯士憔悴時饑謀食涉謀飲功名有時無罷休

和子由柳湖久涸忽有水開元寺山茶舊

無花今歲盛開

大吳祠東鐵墓西一罇曾與子同攜回瞻卻閣遙飛檻北望橋竿半隱堤飯豆羹藜思兩鷓飲河嘆水賴長蛻如今勝事無人共花下壺盧鳥勸提長明燈下石欄干長共杉松闢歲寒葉厚有稜犀甲健花深少態鶴頭丹久陪方丈曼陀雨羞對先生首菴盤雪裏盛開知有意明年開後更誰看

六月二十七日望湖樓醉書

黑雲翻墨未遮山，白雨跳珠亂入船。
卷地風來忽吹散，望湖樓下水如天。

放生魚鼈逐人來，無主荷花到處開。
水枕能令山俯仰，風船解與月裴回。

烏菱白芡不論錢，亂繫青菰裹綠盤。
忽憶嘗新會靈觀，滯留江海得加餐。

獻花游女木蘭桡，細雨斜風濕翠翘。
無限芳洲生杜若，吳兒不識楚詞招。

未成小隱聊中隱，可得長閑勝暫閑。
我本無家更安

往故鄉無此好湖山

七月一日出城舟中苦熱

涼颼呼不來，流汗方被體。稀星乍明滅，暗水光瀾瀾。
香風過蓮芡，驚枕裂魴鯉。欠伸宿酒餘，起坐濯清泚。
火雲勢方壯，未受月露洗。身微欲安適，坐待東方啓。

宿餘杭法喜寺寺後綠野亭望吳興諸山懷孫莘老學士

徙倚秋原上，淒涼晚照中。水流天不盡，人遠思何窮。

問謀知秦過，看山識禹功。餘杭始皇所舍舟也西北

稻涼初吠蛤，柳老半書蟲。荷背風翻白，蓮腮雨退紅。

東坡集卷之三
追遊慰遲暮覓句效兒童北望蒼溪轉遙憐震澤通
烹魚得尺素好在紫髯翁

宿臨安淨土寺

鷄鳴發餘杭到寺已亭午參禪固未暇飽食良先務
平生睡不足急掃清風宇閉門群動息香篆起煙縷
覺來身若石泉紫筍發輕乳晚涼沐浴罷衰髮稀可數
浩歌出門去暮色入村塢微月半隱山圓荷爭瀉露
相攜石橋上夜與故人語明朝入山房石鏡烟當路
昔照熊虎姿今爲猿鳥顧廢興何足弔萬世一仰俯
自淨土步至功臣寺

落日岸葛巾晚風吹羽扇松間野步穩竹外飛橋轉
神功鑿橫嶺巖石得巨片直度千人溝下有微流法
岡巒蔚回合金碧爛明絢緬懷異姓王負擔此鄉縣
長逢跨下辱屢乞桑間飯誰謂山石頑識此希世彥
凜然英氣逼屹起猶聳戰他年萬騎歸父老恣歡宴
錦繡被原野金珠散貧賤竇融既入朝吳芮空記面
榮華坐銷歇閱世如郵傳惟有長明燈依然照深殿

遊徑山

衆峰來自天日山勢若駿馬奔乎川中塗勒破千里
足金鞭玉鞵相回旋人言山住水亦住下有萬古蛟

東坡集卷之三
龍淵道人天眼識王氣結筇宴坐荒山巔精誠貫山
石為梨天女下試顏如蓮寒窓暖足來朴握夜鉢呪
水降蜿蜒雪眉老人朝扣門願為弟子長參禪爾來
廢興三百載奔走吳會輸金錢飛樓湧殿壓山破朝
鍾暮鼓驚龍眠晴空偶見浮海蜃落日下數投村爲
有生共處覆載內擾擾膏火同烹煎近來愈覺世議
隘每到寬處差安便嗟余老矣百事廢却尋舊學心
茫然問龍乞水歸洗眼欲看細字銷殘年龍斤水注
病眼有效

自徑山回得呂察推詩用其韻招之宿湖
上

多君貴公子愛山如愛色心隨葉舟去夢逸千山碧
新詩到中路令我喜折屐古來軒冕徒操捨兩悲慄
數朝詞箚笏兩脚得暫赤歸來不入府却走湖上宅
寵辱吾久忘寧畏官長詰飄然便欲去誰在子思側
君能從我遊出郭及未黑

宿埠湖樓再和

新月如佳人出海初弄色娟娟到湖上漱漱搖空碧
夜涼人未寢山靜聞響屐騷人故多感悲秋更慘慄
君胡不相就朱墨紛黥赤我行得所嗜十日忘家宅
但恨無友生詩病莫訶詰君來試吟味定作鶴頭側

改罷心愈疑滿紙蛟虵黑

夜泛西湖五絕

新月生魄迹未安纔破五六漸盤桓今夜吐艷如半璧游人得向三更看

三更向闌月漸垂欲落未落景特奇明朝人事誰料得看到蒼龍西沒時

蒼龍已沒牛斗橫東方芒角昇長庚漁人收筒及未

曉船過惟有菰蒲聲

湖上禁漁昔盜釣者也

菰蒲無邊水茫茫荷花夜開風露香漸見燈明出遠寺更待月黑看湖光

湖光非地亦非仙風恬浪靜光滿川須臾兩兩入寺去就視不見空茫然

焦千之求惠山泉詩

茲山定空中乳水滿其腹遇隙則發見臭味實一族

淺深各有值方圓隨所蓄或為雲洶涌或作綫斷續

或鳴空洞中雜佩間琴筑或流蒼石縫宛轉龍鸞蹙

餅罌走四海真偽半相瀆貴人高宴罷醉眼亂紅綠

赤泥開方印紫餅截圓玉傾甌共歎賞竊語笑僮僕

豈如泉上僧盟灑自挹掬故人憐我病詩籠上寄新

馥夕伸比窓下晝睡美方熟精品厭尺泉顧子致一

斛

答任師中次韻詩勸以酒自娛

閑裏有深趣常憂兒輩知已成歸蜀計誰惜買山資
世事久已謝故人猶見思平生不飲酒對子敢論詩

沈諫議召遊湖不赴明日得雙蓮於北山下作一絕持獻沈既見和又別作一首因

用其韻

湖上棠陰手自我問公更得幾回來水仙亦恐公歸去故遣雙蓮一夜開

詔書行捧縷金戔樂府應歌相府蓮莫忘今年花發

處西湖西畔北山前

和歐陽少師會老堂次韻

一時冠蓋盡嚴終舊德年來豈易逢聞道堂中延蓋叟定應牀下拜梁松蠹魚自晒閑箱篋科斗長收古鼎鍾我欲棄官重問道寸筵何以得春容

和歐陽少師寄趙少師次韻

朱門有遺咏十里來燕雀公家冷如水百呼無一諾平生親友半遷逝公雖不怪旁人愕世事如今臘酒醲交情自古春雲薄二公凜凜和非同疇昔心親豈貌從白頭相映松間鶴清句更平酬雪裏鴻何日揚

雄一屨足却追范蠡五湖中

監試呈諸試官

我本山中人寒苦盜寸廩文詞雖少作勉強非天稟
既得旋廢忘懶惰今十稔麻衣如丹著墨水真可飲
每聞科詔下白汗如流瀋此邦東南會多士敢題品
芻蕘盡蘭蓀香不數葵荏苒貧家見珠貝眩晃自難審
緬懷嘉祐初文格變已甚千金碎全璧百納收寸錦
調和椒桂醜嚼沙礫礮廣眉成半額學步歸蹕蹶
維時老宗伯氣壓群兒凜蛟龍不世出魚鮪初驚滄
至音久乃信知味猶食楛至今天下士微管幾左社

謂當千載後石室祠高朕爾來又一變此學初誰論
權衡破舊法芻豢笑凡飪高言追衛樂篆刻鄙曹沈
先生周孔出弟子淵騫寢却顧老鈍軀頑朴謝鑄鍛
諸君況才傑容我懶且噤聊欲廢書眠秋濤春午枕

望海樓晚景五絕

海上濤頭一線來樓前相顧雪成堆從今潮上君須
上更看銀山二十四

橫風吹雨入樓斜壯觀應須好句誇雨過潮平江海
碧電光時掣紫金蛇

青山斷處塔層層曾隔岸人家喚欲應江上秋風晚來

急為傳鐘鼓到西興
樓下誰家燒夜香
玉笙哀怨弄初涼
臨風有客吟秋扇
拜月無人見晚粧
沙河燈火照山紅
歌鼓喧喧語笑中
為問少年心在否
角中歌倒鬢如蓬

試院煎茶

蟹眼已過魚眼生
颼颼欲作松風鳴
蒙茸出磨細珠落
眩轉遶甌飛
雪輕銀瓶瀉湯誇第二
未識古人煎水意
古語云煎水不煎茶
君不見昔時李生好客手自煎
貴從活火發新泉
又不見今時潞公煎茶學西蜀
定州花

籠琢紅玉我今貧病長苦飢
分無玉盃捧娥眉
且學公家作茗飲
搏爐石鉞行
相隨不用撐腸拄腹文字
五千卷
但願一甌常及睡
足自高時

孫莘老求墨妙亭詩

蘭亭蠶紙入招陵
世間遺迹猶龍騰
顏公變法出新意
細筋入骨如秋鷹
徐家父子亦秀絕
字外出力中藏
稜嶧山傳刻典刑
在千載筆法留陽冰
杜稜評書貴瘦硬
此論未公吾不憑
短長肥瘠各有態
玉環飛燕誰敢憎
吳興太守真好古
購買斷缺揮縑繒
龜趺八坐螭隱壁
空齋晝靜聞登登
竒蹤散出走吳越
勝

事傳說誇友朋書來乞詩要自寫為把栗尾書谿藤
後來視今猶視昔過眼百世如風燈他年劉郎憶賀
監還道同時須伏膺

李公擇求黃鶴樓詩因記舊所聞於馮當
世者

黃鶴樓前月滿川抱關老卒飢不眠夜聞三人笑語
言羽衣著殺響空山非鬼非人意其仙石扉三扣聲
清圓洞中鏗鉉落門關縹緲入石如飛煙雞鳴月落
風馭還迎拜稽首願執鞭汝非其人骨醒臙黃金乞
得重莫肩持歸包裹弊席擅夜穿茅屋光射天里問

來觀已變遷似石非石鉛非鉛或取而有衆忿喧訟
歸有司今幾年無功暴得喜欲顛神人戲汝真可憐
願君為考然不然此語可信馮公傳

八月十日夜看月有懷子由并崔度賢良

死位先生自不飽更笑老崔窮百巧一更相過三更
歸古柏陰中看參昴去年舉君首帶盤夜傾闔酒赤
如卅今年還看去年月露冷遙知范叔寒典衣自種
一頃豆那知積雨生科斗歸來四壁草蟲鳴不如王
江長飲酒州王陳道人

催試官考較戲作

東坡集卷之三
八月十五夜月色隨處好不擇筍簷與市樓況我官
居似蓬島鳳味堂前野橘香劔潭橋畔秋荷老八月
十八潮壯觀天下無鯤鵬水擊三千里組練長驅十
萬夫紅旗青蓋互明滅黑沙白浪相吞屠人生會合
古難必此景此行那兩得願君聞此添蠟燭門外白
袍如立鵠

八月十七復登望海樓自和前篇是日榜
出余與試官兩人復留五首

樓上煙雲怪不來樓前飛紙落成堆非關文字須重
看却被江山未放迴

眼昏燭暗細行斜考閱精強外已誇明日失杯君莫
怪早知安足不成蛇

亂山遮曉擁千層睡美初涼撼不應昨夜酒行君屢
歎定知歸夢到吳興

天台桂子為誰香倦聽空堦夜點涼賴有明朝看潮
在萬人空巷鬧新粧

秋花不見眼花紅身在孤舟兀兀中細雨作寒知有
意未教金菊出蒿蓬

東坡集卷第四

詩八十八首

秋懷二首

苦熱念西風常恐來無時及茲遂淒凜又作徂年悲
蟋蟀鳴我床黃葉投我帷窓前有棲鵬夜嘯如狐狸
露令梧葉脫孤眠無安枝熠燿亦未偶高屋飛相追
定知無幾見迫此清霜期物化逝不晉我興為嗟咨
便當勤秉燭為樂戒暮遲

風東南來吹盡三日雨空階有餘滴似與幽人語
念我平生歡寂寞守環堵壺漿慰作勞裹飯救寒苦

東坡集卷之四
今年秋應熟過從飽雞黍嗟我獨何求萬里涉江浦
居貧豈無食自不安吠犬念此坐達晨殘燈翳復吐

哭歐公孤山僧惠思示小詩次韻

故人已為土衰鬢亦驚秋猶喜孤山下相逢說舊遊

梵天寺見僧守詮小詩清婉可愛次韻

但聞煙外鍾不見煙中寺幽人行未已草露濕芒屨
惟應山頭月夜夜照來去

和陳述古拒霜花

千林掃作一番黃只有芙蓉獨自芳喚作拒霜知未
稱細思却是最宜霜

和沈立之留別二首

而今父老千行淚一似當時初去時不用鐫碑頌遺
愛丈人清德畏人知

卧聞鐃鼓送歸艎夢裏忽忽共一觴試問別來愁幾

許春江萬斛若為量去時于
在試院

次韻孔文仲推官見贈

我本麋鹿性諒非伏轅姿君如汗血馬作駒已權奇
齊驅大道中並帶鑿鑣馳聞聲自决驟那復受繫維
謂君朝發燕秣楚日未歆云何中道止連蹇驢驟隨
金鞍肩翠錦玉勒垂青絲旁觀信美矣自揣良厭之

均為人所勞何必陋鹽輜君看立仗色不敢鳴且窺
調習困鞭箠僅存骨與皮人生各有志此論我久持
他人聞定笑聊與吾子期空齋卧積兩病骨煩撐支
秋草上垣墻霜葉鳴堦墀門前自無客敢作揚椎麾
候吏報君來弭節江之湄一對高人談稍忘俗吏卑
今朝枉詩句粲如鳳來儀上山絕梯磴墮海迷津涯
憐我枯槁質借潤生華滋肯效世俗人洗刮求癩癩
賢明日登用清廟歌緝熙胡不學長卿預作封禪詞
居官不任事蕭散羨長卿胡不歸去來滯留愧淵明

湯村開運鹽河雨中督役

鹽車星火急誰能卹農耕薨薨曉鼓動萬指羅溝
天雨恥官政汝然淋衣纓人如鴨與猪投泥相濺驚
下馬荒堤上四顧但湖泓線路不容足又與牛羊爭
歸田雖賤辱豈失泥中行寄語故山友慎毋厭藜藿

是日宿水陸寺寄北山清順僧二首

草沒河堤雨暗村寺藏脩竹不知門拾薪煮藥憐僧
病掃地燒香淨客魂農事未休侵小雪佛燈初上報
黃昏年來漸識幽居味思與高人對榻論

長嫌鍾鼓聒湖山此境蕭條却自然乞食遶村真為
飽魚言對客本非禪披榛覓路衝泥入洗足閉門聽

兩眠遙想後身窮賈島夜寒應聳作詩肩

客位假寐

謁入不得去兀坐如枯株豈惟主忘客今我亦忘吾
同僚不解事愠色見髯須雖無性命憂且復忍須臾
鹽官部役戲呈同事無寄述古

新川照水水欲冰夜霜穿屋衣生稜野廬半與牛羊
共曉鼓却隨鴉鵲興夜來履破裘穿縫紅頰曲眉應
入夢千夫在野口如林豈不懷歸畏勑弄我州賢將
知人勞已釀白酒買豚羔耐寒努力歸不遠兩腳凍
硬公須軟

朱壽昌郎中少不知母所在刺血寫經求
之五十年去歲得之蜀中以詩賀之

嗟君七歲知念母憐君壯大心愈苦羨君臨老得相
逢喜極無言淚如雨不羨白衣作三公不愛白日昇
青天愛君五十著絲服兒啼却得償當年烹龍為炙
玉為酒鶴髮初生千萬壽金花詔書錦作囊白藤肩
輿簾屨繡感君離合我酸辛此事今無古或聞長陵
鳩來見大姊仲孺豈意逢將軍開皇苦挑空記面建
中天子終不見西河郡守誰復譏潁谷封人羞自薦

將之湖州戲贈莘老

東坡集卷之四
四
餘杭自是山水窟天聞吳興更清絕湖中橘林新著
霜溪上茗花正浮雪顧渚茶牙白於齒梅溪木瓜紅
勝頰吳兒鱸縷薄欲飛未去先說饒涎垂亦知謝公
到郡又應恠杜牧尋春遲鬢絲只好對禪榻湖亭不
用張水嬉

鴉種麥行

霜林老鴉閑無用畦東拾麥畦西種畦西種得青猗
猗畦東已作牛毛稀明年麥熟芒攢梨農夫未食鴉
先啄徐行俛仰若自矜鼓翅跳踉上牛角憶昔舜耕
歷山鳥為耘如今老鴉種麥更辛勤農夫羅拜鴉飛

起勸農使者來行水

鹽官絕句四首

南寺千佛閣

古邑居民半海濤師來構築便能高千金用盡身無
事坐看香煙透白毫

北寺悟空禪師塔

名齊安宣宗徵特師知其非凡人

已將世界等微塵空裏浮花夢裏身豈為龍顏更分
別只應天眼識天人

塔前古檜

當年雙檜是雙童相對無言老更恭庭雪到腰埋不

死如今化作兩蒼龍

僧爽白雞養二十餘年常立坐側聽經

斷尾雄雉本畏烹年來聽法伴修行還須却置蓮花
滿老怯風霜恐不鳴

送張軒民寺丞赴省試

龍飛甲子盡豪英常喜吾猶及老成人競春蘭笑秋

菊天教明月伴長庚傳家各自聞詩禮與子相逢亦

弟兄洗眼上林看躍馬賀詩先到古宣城伯父與太平州張傳

讀同午此其子

六和寺冲師開山溪為水軒

欲放清溪自在流忍教冰雪落沙洲出山定被江潮
沈能為山僧更少留

和致仕張郎中春書

投綏歸來萬事輕消磨未盡祗風情舊因萼菜求長
假新為楊枝作短行不禱自安緣壽骨苦藏難沒是
詩名淺斟盃酒紅生頰細琢歌詞穩稱聲蜴殼卜居
心自放蠅頭寫字眼能明盛衰閱過君應笑寵辱年
來我亦平跪履數從圯下老逸書閑問濟南生東風
屈指無多日祗恐先春鷓鴣鳴

冬至日獨遊吉祥寺

東坡集卷之四
井底微陽回未回蕭蕭寒雨濕枯菱何人更似蘇夫
子不是花時肯獨來

後十餘日復至

東君意淺著寒梅千朵深紅未暇裁安得道人殷七
七不論時節遣花開

戲贈

惆悵沙河十里春一番花老一番新小樓依舊斜陽
裏不見樓中垂手人

和人求筆跡

麥光舖几淨無瑕入夜青燈照眼花從此刻藤真可

吊半紆春蚓縮秋蛇

再用前韻寄莘老

君不見夷甫開三窟不如長康號癡絕癡人自得終
天年智士死智罪莫雪困窮誰要卿料理舉頭看山
勢柱頰野鳧翅重自不飛黃鶴何事兩翼垂泥中相
從豈得久今我不往行恐遲江夏魚雙應未去恨無
文字相娛嬉

黃庭堅草
老嫗能文

畫魚歌

湖州道中作

天寒水落魚在泥短釣畫水如耕犁渚蒲披折藻荇
亂此意豈復遺鯁鯁偶然信手皆虛擊本不詞勞幾

手萬一一魚中刃百魚驚蝦蟹奔忙誤跳擲漁人養
魚如養雞插竿冠笠驚鴉鵲豈知白挺鬧如雨攪水
覓魚嗟已踈

吳中田婦歎 和賈收韻

今年粳稻熟苦遲度見霜風來幾時霜風來時雨如
瀉把頭出茵鎌生衣眼枯淚盡雨不盡恐見黃穗卧
青泥茆苦一月隴上宿天晴獲稻隨車歸汗流肩頰
載入市價賤乞與如糠糶賣牛納稅拆屋炊慮淺不
及明年飢官今要錢不要米西北萬里招羗兒糞黃
滿朝人更苦不如却作河伯婦

和邵同年戲贈賈收秀才二首

傾蓋相歡一笑中從來未省馬牛風卜隣尚可容三
徑投社終當作兩翁古意已將蘭緝佩招詞閑詠桂
生叢此身自斷天休問白髮年來漸不公

朝見新莢出舊槎騷人孤憤苦思家五噫處士太窮
約三賦先生多誕夸帳外鶴鳴奩有鏡箇中錢盡按
無鮭玉川何日朝金闕白晝關門守夜叉 時賈欲
再娶

生涯到處似檣烏科第無心摘領鬚黃帽刺船忘歲
月白衣擔酒慰鰥孤祖公欺病來分粟水伯知饒為
出鱸莫向洞庭歌楚曲煙波渺渺正愁予

遊道場山何山

道場山頂何山麓上徹雲峰下幽谷我從山水窟中
來尚愛此山看不足陂湖行盡白漫漫青山忽作龍
蛇盤山高魚風松自響誤認石齒號驚湍山僧不放
山泉出屋底清池照瑤席堦前合抱香入雲月裏仙
人親手植出山回望翠雲鬟碧瓦朱欄縹眇間白水
田頭問行路小溪深處是何山高入讀書夜達旦至
今山鶴鳴夜半我今廢學不歸山山中對酒空三歎

贈莘老七絕

嗟余與子久離群耳冷心灰百不聞若對青山談世

事當... 白便浮君

入目... 碧闌堂下看街艦作堤捍水非吾

事開... 湖

夜來... 噴吼浪湧雲屯逸郭寒間有舟山向處

是為君四面意求看

夜橋燈火照溪明欲放扁舟取次行暫借官奴遣吹

笛明朝新月到三更

三年京國厭藜蒿長羨淮魚壓楚糟今日駱駝橋下

泊恣看脩網出銀刀

烏程霜稻襲人香... 作春... 元時復中之徐邈

聖母八酌我
去年臘日
子道之有
閑不為思歸對妻

小園有亭北向道士山宗
說一布與詩

春風欲動北風微歸鴈亭邊送鴈歸蜀客南遊家最
遠吳山寒盡雪先晞扁舟去後花絮亂五馬來時賓
從非惟有道人應不忘抱琴無語立斜暉

至秀州贈錢端公安道兼寄其弟惠山山
人

鴛鴦湖邊月如水孤舟夜榜鴛鴦起平明繫纜石橋
亭慙愧冒寒鬢御史結交最晚情獨厚論心無數今
有幾寂寞抱關歎蕭生耆老執戟哀揚子怪君顏采
却秀發無乃遷謫反便羨天公欲困無奈何世人共
抑真踈矣毗陵高山錫為骨陸子遺味泉冰齒賢哉
仲氏早拂衣占斷此山長洗耳山頭望湖光潑眼山
下濯足波生指儻容逸少問金堂記與稽康留石髓
秀州報本禪院鄉僧文長老方丈

萬里家山一夢中吳音漸已變兒童每逢蜀叟談終
日便覺峨眉翠掃空師已忘言真有道我除搜句百

魚功明年采藥天台去更欲題詩滿浙東

王復秀才所居雙檜二首

吳王池館徧重城閑草幽花不記名青蓋一歸無覓
處祇留雙檜待昇平

凜然相對敢相欺直幹凌空未要奇根到九泉無曲
處世間惟有蟄龍知

宋叔達家聽琵琶

數絃已品龍香撥半面猶遮鳳尾槽新曲翻從玉連
瑣舊聲終愛鬱輪袍夢回只記歸舟字賦罷雙垂紫
錦絲何異烏孫送公主碧天無際鴈行高

元日次韻張先子野見和七夕寄莘老之
作

得句牛女夕轉頭參尾中青春先入睡白髮不遺窮
酒社我為敵詩壇子有功縮頭先夏鼈峴玉實腹鄙
秋蟲莫唱裙垂綠無人臉斷紅舊交懷賀老新進謝
終童袍鵲雙雙瑞腰犀一一通小蠻知在否試問聶
孺翁

正月九日有美堂飲醉歸徑睡五鼓方醒
不復能眠起閱文書得鮮于子駿所寄古
意作雜興一首答之

東坡集卷之四
十一
衆人事紛擾志士獨悄悄何異琵琶絃常遭腰鼓鬧
三杯忘萬慮醒後還皎皎有如轆轤索已脫重縈繞
家人自約教始慕陳婦孝可憐原臣先放蕩今誰弔
平生嗜羊炙識味肯輕飽烹蛇啖蛙蛤頗訝能稍稍
憂來自不寐起視天漢渺闌干玉繩低耿耿太白曉

次韻荅章傳見贈

並生天地宇同閱古今宙視下則有高無前孰無後
達人千鈞弩一弛難再發下士沐猴冠已繫猶跳驟
欲將駒過隙坐待石穿溜君看漢唐主宮殿悲麥秀
而况彼區區何異一醉富爰居非所養俯仰眩金奏

鬪醜有餘樂不博南面后嗟我昔少年守道貧非以
自從出求仕役物恐見囿馬融既依梁班固亦事實
效顰豈不欲頑質謝鑄鏤又聞長者言悻直非養壽
嚙面慎勿拭出勝當俛就居然成懶廢敢復齒豪右
予如照海珠罔目踈見漏宏材乏近用巧舜困短袖
坐令傾國容臨老見邂逅吾衰信久矣書絕十年舊
門前可羅雀感子煩屢扣願言歌絳衣子粲予還授

法惠寺橫翠閣

朝見吳山橫暮見吳山從吳山故多態轉則為君容
幽人起朱閣空洞更無物惟有千步岡東西作簾額

春來故國歸無期人言悲秋春更悲已泛平湖思濯
錦更看橫翠憶峨眉瑯欄能得幾時好不獨憑欄人
易老百年興廢更堪哀懸知草莽化池臺遊人尋我
舊遊處但覓吳山橫處來

祥符寺九曲觀燈

紗籠擎燭迎門入銀葉燒香見客邀金鼎轉丹光吐
夜寶珠穿蟻鬧連朝波翻焰裏元相激魚舞湯中不
畏焦明日酒醒空想像清吟半逐夢魂銷

上元過祥符僧可父房蕭然無燈火

門前歌鼓闌分朋一室清風冷欲冰不把瑠璃閑照

佛始知無盡本無燈

正月二十一日病後述古邀往城外尋春

屋上山禽苦喚人檻前冰沼忽生鱗老來厭逐紅裙
醉病起空驚白髮新卧聽使君鳴鼓角試呼稚子整
冠巾曲欄幽榭終寒窘一看郊原浩蕩春

有以官法酒見餉者因用前韻求述古為

移厨飲湖上

喜逢門外白衣人欲贈湖中赤玉鱗遊舫已粧吳榜
穩舞衫初試越羅新欲將魚釣追黃帽未要靴刀抹
絳巾芳意十分強半在為君先踏水邊春

飲湖上初晴後雨二首

朝曦迎客豔重岡晚雨留人入醉鄉此意自佳君不

會一盃當屬水仙王

湖上有水仙王廟

水光瀲灩晴方好山色空濛雨亦奇欲把西湖比西子淡粧濃抹揔相宜

往富陽新城李節推先行三日留風水洞

見待

春山礧礧鳴春禽此間不可無我吟路長漫漫傍江浦此間不可無君語金鯽池邊不見君追君直過定山村路人皆言君未遠騎馬少年清且姸風巖水穴

舊聞名只隔山溪夜不行溪橋曉溜浮梅萼知君繫馬巖花落出城三日尚透遲妻孥怪罵歸何時世上小兒誇疾走如君相待今安有

風水洞二首和李節推

風轉鳴空穴泉幽瀉石門虛心聞地籟妄意覓桃源過客詩難好居僧語不繁歸併得水雪清冷慰文園

山前兩水隔塵凡山上仙風舞檜杉細細龍鱗生亂石團團羊角轉空巖馮夷窟宅非梁棟禦寇車輿謝轡銜世事漸艱吾欲去永隨二子脫譏讒

獨遊富陽普照寺

富春真古邑此寺亦唐餘鶴老依喬木龍歸護賜書
連筒春水遠出谷晚鍾疎欲繼江潮韻何人為起予

自普照遊二庵

長松吟風晚雨細東庵半掩西庵閉山行盡日不逢
人浥浥野梅香入袂居僧笑我戀清景自厭山深出
無計我雖愛山亦自笑獨往神傷後難繼不如西湖
飲美酒紅杏碧桃香覆髻作詩寄謝採薇翁本不避
人那避世

富陽妙庭觀董雙成故宅發地得丹鼎覆
以銅盤承以留璃盆盆既破碎丹亦為人

爭奪持去今獨盤鼎在耳二首

人去山空鶴不歸丹亡鼎在世徒悲可憐九轉功成
後却把飛昇乞內芝
琉璃擊碎走金丹無復神光發舊壇時有世人來舐
鼎欲隨雞犬事劉安

新城道中二首

東風吹我欲山行吹斷簷間積雨聲嶺上晴雲披絮
帽樹頭初日挂銅鉦野桃含笑竹籬短溪柳自搖沙
水清西崦人家應最樂煮芹燒筍餽春耕
身世悠悠我此行溪邊委轡聽溪聲散材畏見搜林

東坡集卷之四
一五
斧疲馬思聞卷旆鉦細雨足時茶戶喜亂山深處長
官清人間岐路知多少試向桑田問耨耕

山村五絕

竹籬茆屋趁溪斜春入山村處處花無象太平還有
象孤煙起處是人家

煙雨濛濛雞犬聲有生何處不安生但教黃犢無人
佩布穀何勞也勸耕

老翁七十自腰鎌慙愧春山笏蔗甜豈是聞韶解忘
味爾來三月食無鹽

杖藜棗飯去忽忽過眼青錢轉手空贏得兒童語音

好一年強半在城中

竊祿忘歸我自羞豐年底事汝憂愁不須更待飛鳶
慎方念平生馬少遊

湖上夜歸

我飲不盡噐半酣味尤長籃輿湖上歸春風吹面涼
行到孤山西夜色已蒼蒼清吟雜夢寐得句旋已忘
尚記梨花村依依聞暗香入城定何時賓客半在亡
睡眼忽驚鬢繁燈鬧河塘市人拍手笑狀如失林麀
始悟山野姿異趣難自強人生安為樂吾策殊未良
寒食未明至湖上太守未來兩縣令先在

東坡集卷之四
城頭月落尚啼鳥，烏榜紅舷早滿湖。鼓吹未容迎五馬，水雲先已颺雙鳧。映山黃帽螭頭舫，夾道青煙鵲尾爐。老病逢春只思睡，獨求僧榻寄須臾。

次韻孫莘老見贈時莘老移廬州因以別之

爐鎚一手賦，形殊造物無。心敢望渠，我本踈頑固。當爾子猶淪落，况其餘龔黃側畔難言政。羅趙前頭且眩書。莘老見稱政事與書至不工惟有陽關一杯酒，慙慙重

唱贈離居

贈別

青鳥銜巾久欲飛，黃鸝別主更悲啼。慙慙莫忘分携處，湖水東邊鳳嶺西。

次韻代留別

絳蠟燒殘玉笋飛，離歌唱徹萬行啼。他年一舸鷓夷去，應記儂家舊姓西。

月兔茶

環非環，玦非玦。中有迷離玉兔兒，一似佳人裙上月。月圓還缺，缺還圓。此月一缺，圓何年。君不見，闔茶公子不忍闔小團。上有雙銜綬帶雙飛鸞。

薄命佳人

雙頰凝酥髮抹漆眼光入簾珠的皜故將白練作仙
衣不許紅膏汗天質吳音嬌軟帶兒癡無限閑愁摠
未知自古佳人多命薄閉門春盡楊花落
吉祥花將落而述古不至
今歲東風巧剪裁含情只待使君來對花無信花應
恨直恐明年便不開

述古聞之明日即來坐上復用前韻同賦

仙衣不用剪刀裁國色初酣卯酒來太守問花花有
語為君零落為君開

李鈴轄坐上分題戴花

二八佳人細馬馳十千美酒渭城歌簾前柳絮驚春
晚頭上花枝奈老何露濕醉巾香掩冉月明歸路影
婆娑綠珠吹笛何時見欲把斜紅插皂羅

於潛令刁同年野翁亭

山翁不出山溪翁長在溪前二翁亭不如野翁來往
溪山間上友麋鹿下鳧鷖問翁何所樂三年不去煩
推擠翁言此間亦有樂非絲非竹非娥眉山入醉後
鐵冠落溪女笑時銀櫛低我來觀政問風謠皆云吠
犬足生鬣但恐此翁一旦舍此去長使山人索寞溪

女啼天目山唐道士常冠鐵冠於潛婦

女皆挿大銀櫛長尺許謂之蓬杏

於潛女

青裙縞袂於潛女兩足如霜不穿屨
簪沙鬢髮絲穿
竹蓬杏郭前走風雨老滯宮粧傳
父祖至今遺民悲
故主茗溪楊柳初飛絮照溪盡
眉渡溪去逢卽樵歸
相媚嬾不信姬姜有齊魯

自昌化雙溪館下步尋溪源至治平寺一

首

亂山滴翠衣裘重雙澗響空窓戶搖飽食不嫌溪筍
瘦穿林闕覓野芎苗却愁縣令知遊寺尚喜漁人爭
渡橋正似醴泉山下路桑枝刺眼麥齊腰

每見田園輒自招倦飛不擬控扶搖共疑楊惲非鋤
豆誰信劉章解立苗老去尚貪彭澤米夢歸時到錦
江橋宦遊莫作無家客舉族長懸似細腰

於潛僧綠筠軒

可使食無肉不可居無竹無肉令人瘦無竹令人俗
人瘦尚可肥俗士不可醫旁人笑此言似高還似癡
若對此君仍大嚼世間那有揚州鶴

與臨安令宗人同年劇飲

我雖不解飲把盞歡意足試呼白髮感秋人令唱黃
雞催曉曲與君登科如隔晨弊袍霜葉空殘綠如今

莫問老與少兒子森森如立竹黃雞催曉不須愁老
盡世人非我獨

寶山晝睡

七尺頑軀走世塵十圍便腹貯天真此中空洞渾無
物何止容君數百人

東坡集卷第四

東坡集卷第五

詩百三首

僧清順新作雷雲亭

江山雖有餘亭榭若難穩登臨不得要萬象各偃蹇
惜哉雷雲軒此地得何晚天功爭向背詩眼巧增損
路窮朱欄出山破石壁很海門浸坤軸湖尾抱雲巘
葱葱城郭麗淡淡煙村遠紛紛鳥鵲去一一漁樵返
雄觀快新獲微景收昔遁道人真古人嘯咏慕嵇阮
空齋臥蒲褐芒屨每自捆天憐詩人窮乞與供詩本
我詩久不作荒澁旋鋤墾從君覓佳句咀嚼廢朝飯

五月十日與呂仲甫周如僧惠勤惠思清
順可久惟肅義詮同泛湖遊北山

三吳雨連月湖水日夜添尋僧去無路漱漱水拍簷
駕言徂北山得與幽人兼清風洗昏翳晚景分濃纖
縹緲朱樓人斜陽半踈簾臨風一揮手悵焉起遐瞻
世人驚朝市獨向溪山廡此樂得有命輕傳神所藏
會客有美堂周邠長官與數僧同泛湖往
北山湖中聞堂上歌笑聲以詩見寄因和
二首時周有服

藹藹君詩似嶺雲從來不許醉紅裙不知野屐穿山

翠惟見輕撓破浪紋頗憶呼蘆袁彥道難邀罵坐

將軍

時其晚

風落日元無主不惜清涼與子分

載酒無人過千雲掩關晝臥客書裙歌喉不共聽珠
貫醉面何因作纈紋僧侶且陪香火社詩壇欲歛鶴
鵝軍憑君徧遶湖邊寺漲淥晴來已十分

席上代人贈別

淒音怨亂不成歌縱使重來奈老何淚眼無窮似梅
雨一番勻了一番多

天上麒麟豈混塵籠中弱翠不由身那知昨夜香閨
裏更有偷啼暗別人

蓮子擘開須見憶
楸枰著盡更無期
破衫却有重逢處
一飯何曾忘却時

唐道人言天目山上俯視雷雨每大雷電
但聞雲中如嬰兒聲殊不聞雷震也

已外浮名更外身
區區雷電若為神
山頭只作嬰兒看
無限人間失筋人

追和子由去歲試舉人洛下所寄詩五首
暴雨初晴樓上晚景

秋後風光雨後山
滿城流水碧潺潺
煙雲好處無多子
及取昏鴉未到間

洛邑從來天地中
嵩高蒼翠北却紅
風流耆舊消靡盡
只有青山對病翁

謂富公也

白汗翻漿午景前
雨餘風物便蕭然
應傾半熟鷺黃酒
照見新晴水碧天

疾雷破屋雨翻河
一掃清風未覺多
應似畫師吳道子
高堂巨壁寫降魔

客路三年不見山
上樓相對夢魂間
明朝却踏紅塵去
羞向清伊照病顏

過廣愛寺見三學演師觀楊惠之塑寶山
朱瑤畫文殊普賢二首

東坡集卷之五
寓世身如夢安閑日似年敗蒲翻覆卧破衲再三連
勸客眠風竹長齋飲石泉回頭萬事錯自笑覺師賢
妙迹苦難尋茲山見幾層亂峰螺髻出絕磴陣雲崩
措意元同畫觀空欲問僧莫教林下意終老歎何曾
朱瑤唐晚輩得法尚雄深滿寺空遺跡何人識苦心
長廊款雨脚破壁撼鍾音成壞無窮事他年復弔今

韓子華石淙莊

絳侯百萬兵尚畏書牘背功名意不已數與危機會
我公抱絕識凜凜鎮橫濱欲收伊呂迹遠與巢由對
誓言雖未從久已斷諸內區區為懷祖頗覺義之隘

此身隨造物一葉舞澎湃田園不早定歸宿終安在
彼美石淙莊每到百事廢泉流知人意屈折作濤瀨
寒光洗肝萑清響跨竽籟我舊門前客放言不自外
園中亦何有蒼蔚可勝計請公試回首歲晚餘蒼檜
立秋日禱雨宿靈隱寺同周徐二令

百重堆案掣身閑一葉秋聲對榻眠床下雪霜侵戶
月枕中琴筑落落皆泉崎嶇世味嘗應遍寂寞山栖老
漸便惟有憫農心尚在起占雲漢更茫然

病中獨遊淨慈謁本長老周長官以詩見
寄仍邀遊靈隱因次韻答之一

卧聞禪老入南山淨掃清風五百間我與世疎宜獨
往君緣詩好不容攀自知樂事年年減難得高人日
日閑欲問雲公覓心地要知何處是無還

無所
還地

楞嚴經云
我今示汝

病中遊祖塔院

紫李黃瓜村路香烏紗白葛道衣涼閉門野寺松陰
轉歌枕風軒客夢長因病得閑殊不惡安心是藥更
無方道人不惜堦前水借與匏樽自在嘗

虎跑泉

亭亭石塔東峰上此老初來百神仰虎移泉眼趣行

脚龍作浪花供撫掌至今遊人濯濯罷臥聽空堦環
玦響故知此老如此泉莫作人間去來想

佛日山榮長老方丈

五絕

陶令思歸久未成遠公不出但聞名山中只有蒼髯
叟數里蕭蕭管送迎

千株三槩攬雲立一穗珠梳落鏡寒何處霜眉碧眼
客結爲三友令相看

東麓雲根露角牙細泉幽咽走金沙不堪土肉埋山
骨未放蒼龍浴渥洼

食罷茶甌未要深清風一榻抵千金腹搖鼻息庭花

東坡集卷之五
落還盡平生未足心
日射回廊午枕明
水沈銷盡碧煙橫
山人睡覺無人
見只有飛蚊遶鬢鳴

癸丑春分後雪

雪入春分省見稀
半開桃李不勝威
應慙落地梅花
識却作漫天柳絮飛
不分東君專節物
故將新巧發
陰機從今造物尤難料
更暖須留御臘衣

孤山二詠

并引

孤山有陳時柏二株
其一爲人所薪
山下老人自爲
兒已見其枯矣
然堅悍如金石
愈於未枯者
僧志詮

作堂於其側名之曰柏堂堂與白公居易竹閣相連
屬余作二詩以記之

柏堂

道人手種幾生前
鶴骨龍姿尚宛然
雙幹一先神物
化九朝三見太平年
忽驚華構依蠟出
乞與佳名到
處傳此柏未枯
君記取灰心聊伴小乘禪

竹閣

海山兜率兩茫然
古寺無人竹滿軒
白鶴不留歸後
語蒼龍猶是種時孫
兩叢却似蕭郎筆
千畝空懷渭
上村欲把新詩問
遺像病維摩詰更無言

與述古自有美堂乘月夜歸

娟娟雲月稍侵軒
漱漱星河半隱山
魚鱗未收清夜
永鳳簫猶在翠微間
淒風瑟縮經絃柱
香霧淒迷著
髻鬟共喜使君能
鼓樂萬人爭看火城還

有美堂暴雨

遊人脚底一聲雷
滿坐頑雲撥不開
天外黑風吹海
立浙東飛雨過江來
十分歛澁金樽凸
千杖敲鏗羯鼓催
喚起謫仙泉
灑面倒傾蛟室瀉瓊瑰

八月十五日看潮五絕

定知玉兔十分圓
已作霜風九月寒
寄語重門休上

鑰夜潮留向月中看

萬人鼓噪囂吳儂
猶似浮江老阿童
欲識潮頭高幾
許越山渾在浪花中

江邊身世兩悠悠
悠久與滄波共白頭
造物亦知人易
老故教江水更西流

吳兒生長狎濤淵
冒利輕生不自憐
東海若知明主
意應教斥鹵變桑田

是時新有
旨禁弄潮

江神河伯兩醯雞
海若東來氣吐霓
安得夫差水犀
手三千強弩射潮低

吳越王嘗以弓弩射潮頭
神戰自尔水不近城

東陽水樂亭為東陽令
邵官樂作

君不學白公引涇東注渭五斗黃泥一鍾水又不學
哥舒橫行西海頭歸來羯鼓打涼州但向空山石壁
下愛此有聲無用之清流流泉無絃石無竅強名水
樂人人笑慣見山僧已厭聽多情海月空留照洞庭
不復來軒轅至今魚龍舞鈞天聞道磬囊東入海遺
聲恐在海山間鏘然澗谷含宮徵節奏未成君獨喜
不須嘯入薰風絃縱有此聲無此耳

與周長官李秀才遊徑山二君先以詩見

寄次其韻二首

少年飲紅裙酒盡推不去呼來徑山下試與洗塵霧

癡馬惜鄣泥臨流不肯渡獨有汝南君從我無朝暮
肯將紅塵腳暫着白雲屨嗟我與世人何異笑百步
功名一破甑弃置何用顧更憑陶靜節往問征夫路

龍亦戀故居百年尚來去至今兩霄夜殿閣風纏霧
而我棄鄉國大江志北渡便欲北山前築室安遲暮
又恐太幽獨歲晚霜入屨同遊得李生仄足隨蹇步
孤明不自愛臨老起三顧吾歸便却掃誰踏門前路

臨安三絕

將軍樹

阿堅澤畔菰蒲節玄德墻頭羽葆桑不會世間閑草

木與人何事管興亡

錦溪

楚人休笑沐猴冠越俗徒誇翁子賢五百年間異人
出盡將錦繡裹山川

石鏡

山雞舞破半巘雲蔓葉開殘野水春應笑武都山下
土枉教明月徇佳人

登玲瓏山

何年僵立兩蒼龍瘦脊盤盤尚倚空翠浪舞翻紅罷
亞白雲穿破碧玲瓏三休亭上工延月九折巘前巧

野風脚力盡時山更好莫將有限趣無窮

宿九仙山

九仙謂左元放
許邁王謝之流

風流王謝古仙真一去空山五百春玉室金堂餘漢
士桃花流水失秦人困眠一榻香凝帳夢遶千巘冷
逼身夜半老僧呼客起雲峰缺處湧冰輪

陌上花三首

并引

遊九仙山聞里中兒歌陌上花父老云吳越王妃每
歲必歸臨安王以書遺妃曰陌上花開可緩緩歸矣
吳人用其語為歌含思宛轉聽之淒然而其詞鄙野
為易之云

陌上花開蝴蝶飛江山猶是昔人非
遺民幾度垂垂老遊女長歌緩緩歸

陌上山花無數開路人爭看翠輦來
若為留得堂堂去且更從教緩緩迴

生前富貴草頭露身後風流陌上花
已作遲遲君去魯猶歌緩緩妾回家

遊東西巘

即謝安東山也

謝公含雅量世運屬艱難
况復情所鍾感槩萃中年
正賴絲與竹陶寫有餘歡
常恐兒輩覺坐令高趣闌
獨携縹緲人來上東西山
放懷事物外徙倚弄雲泉

一旦功業成管蔡復流言
慷慨桓野王哀歌和清彈
挽頰起流涕始知使君賢
意長日月促川病已辛酸
慟哭西州門往駕那復還
空餘行樂處古木昏蒼煙

宿海會寺

籃輿三日山中行山中信美少曠平
下投黃泉上青冥綫路每與猿狖爭
重樓束縛遭澗坑兩股酸棗飢腸鳴
北度飛橋踏彭鏗繚垣百步如古城
大鍾橫撞千指迎高堂延客夜不扃
杉槽漆斛江河傾本來無垢洗更輕
倒床鼻息四鄰驚統如五鼓天未明
木魚呼粥亮且清不聞人聲聞履聲

海會寺清心堂

南郭子綦初喪我西來達磨尚求心此堂不說有清
濁遊客自觀隨淺深兩歲頻為山水役一溪長照雪
霜侵紛紛無補意何事慚愧高人閉戶吟

徑山道中次韻荅周長官兼贈蘇寺丞

年來戰紛革漸覺夫子勝欲求五畝宅灑掃樂清淨
學道恨日淺問禪慙聽整聊為山水行遂此麋鹿性
獨遊吾未米覓伴誰復聽吾宗古遺直窮達付前定
脯糟醉方熟洒面呼不醒奈何效鸞蝠屢欲爭晨暝
不如從我遊高論發犀柄溪南渡橫木山寺稱小徑

太平寺俗稱小徑山幽尋自茲始歸路微月映南望功臣山雲

外盤飛磴三更渡錦水再宿留石鏡緬懷周與李能
作洛生詠明朝三子至詩律嚴號令籃輿置紙筆得
句輕千乘玲瓏苦竒秀名實巧相稱九仙更幽絕笑
語千山應空巖側破壑飛溜灑浮磬山前見虎跡候
吏鏡鼓競我生本艱竒塵土滿釜甌山禽與野獸知
我久蹭蹬笑謂候吏還禦虎吾有命徑山雖云遠行
李稍可併頗訝王子猷忽起山陰興但報菊花開吾
當理歸揆

汪覃秀才久留山中以詩見寄次其韻

季子應嗔不下機棄家來伴碧雲師中秋冷坐無因
醉半月長齋未肯辭擲簡搖毫無忤色汪善書託投
名入社有新詩飛騰桂籍他年事莫忘山中採藥時

再遊徑山

老人登山汗如濯到山困卧呼不覺覺來五鼓日三
竿始信孤雲天一握占語云孤雲兩平生未省出艱
險兩足慣曾行犖确含暉亭上望東溟凌霄峰頭挹
南岳共愛絲杉翠絲亂誰見玉芝紅玉琢白雲何事
自來往明月長圓無晦朔山有白雲塚上雞鳴猶憶
欽山前鳳舞遠徵璞雪凶馴兔元不死煙嶺孤爨苦

難捉從來白足傲死生不怕黃巾把刀槩榻上雙痕
凜然在劒頭一呌何須角以上甘山中故事嗟我昏頑晚聞
道與世齟齬空多學靈水先除眼界花清詩為洗心
源濁騷人未要逃競病禪老但喜聞剝啄此生更得
幾迴來從今有暇無辭數

洞霄宮

上帝高居愍世頑故留瓊館在凡間青山九鎖不易
到作者七人相對閑論語云作者七人庭下流泉翠
蛟舞洞中飛鼠白鴉翻長松怪石宜霜鬢不用金丹
苦駐顏

初自徑山歸述古名飲介亭以病先起

西風初作十分涼喜見新橙透甲香
遲暮賞心驚節物登臨病眼怯秋光
慣眠處士雲庵裏倦醉佳人錦瑟旁
猶有夢迴清興在卧聞歸路樂聲長

明日重九亦以病不赴述古會再用前韻

月入秋帷病枕涼霜飛夜簾故衾香
可憐吹帽狂司馬空對親春老孟光
不作雍容傾坐上翻成醜髻倚門旁
人間此會論今古細看茱萸感歎長

九日尋臻閣梨棗遂泛小舟至懃師院二首

白髮長嫌歲月侵病眸兼怕酒杯深
南屏老宿閑相

過東閣即君懶重尋試碾露芽烹白雪
休拈霜葉

黃金扁舟又截平湖去欲訪孤山支道林

湖上青山翠作堆葱葱鬱鬱氣佳哉
笙歌叢裏抽身出雲水光中洗眼來
白足赤髭迎我笑拒霜黃菊為

誰開明年桑苧煎茶處憶著衰翁首重迴

煎茶詩羽自號桑苧翁
余來年九日去此又矣

九日舟中望見有美堂上魯少卿飲處以

詩戲之

指點雲間數點紅笙歌正擁紫髯翁
誰知愛酒龍山客却在漁舟一葉中

東坡集卷之五
西閣珠簾卷落暉水沉煙斷佩聲微遙知通德淒涼
甚擁髻無言怨未歸

遊諸佛舍一日飲釅茶七瓊戲書勤師壁
示病維摩元不病在家靈運已忘家何煩魏帝一丸
藥且盡盧仝七椀茶

九日湖上尋周李二君不見君亦見尋於
湖上以詩見寄明日乃次其韻

湖上野芙蓉含思愁脉脉始然如靜女不肯傍阡陌
詩人杳未來霜艷冷難宅君行逐鷗鷺出處浩莫策
葦間聞擘音雲表已飛屐使我終日尋逢花不忍摘

人生如朝露要作百年客喟彼終歲勞幸茲一日澤
願言竟不遂人事多乖隔悟此知有命沉憂傷魂魄

送杭州杜威陳三掾罷官歸鄉

秋風撼撼鳴枯蓼船閣荒村夜悄悄正當逐客斷腸
時君獨歌呼醉連曉老夫平生齊得喪尚戀微官失
輕矯君今憔悴歸無食五斗未可秋毫小君言失意
能幾時月啖蝦蟇行復咬殺人無驗中不快此恨終
身恐難了徇時所得無幾何隨手已遭憂患繞期君
正似種宿麥忍饑待食明年麩

次韻周長官壽星院同餞魯少卿

瑠璃百頃水仙家風靜湖平響釣車寂歷疎松歌晚
照伶俜寒蝶抱秋花困眠不覺依蒲榻歸路相將踏
桂華更著綸巾披鶴氅他年應作畫圖誇

次韻述古過周長官夜飲

二更鏡鼓動諸隣百首新詩間八珍已遣亂蛙成兩
部更邀明月作三人雲煙湖寺家家境燈火沙河夜
夜春曷不勸公勤秉燭老來光景似奔輪

述古以詩見責屢不赴會復次前韻

我生孤癖本無隣老病年來益自珍肯對紅裙辭白
酒但愁新進笑陳人北山怨鶴休驚夜南畝巾車欲

及春多謝清詩屢推轂豨膏那解轉方輪
未詩有
霄蒲輪之

金門寺中見李留臺與二錢惟演唱和四

絕句戲用其韻跋之

帝城春日帽簷斜二陸初來尚憶家未肯將鹽下羹
菜已應知雪似揚花

生平賀老慣乘舟騎馬風前怕打頭欲問君王乞符

竹但憂無蟹有監州皆世所傳
錢氏故事

西臺妙迹繼揚風無限龍蛇洛寺中一紙清詩弔

興廢塵埃零落梵王宮

五季文章墮劫灰升平格力未全回故知前輩宗徐
瘦數首風流似玉臺

胡穆秀才遺古銅器似鼎而小上有兩柱
可以覆而不蹶以為鼎則不足疑其飲器
也胡有詩答之

隻耳獸齧環長脣鵝擘喙三趾下銳春蒲短兩柱向
張秋菌細君看翻覆俯仰間覆成三角翻兩髻古書
雖滿腹苟有用我亦隨世嗟君一見呼作鼎纔注升
合已漂逝不如學鴟夷盡日盛酒真良計古有篆五
字不可識
賀陳述古弟章生子

詩葱佳氣夜充問始見徐卿弟二雛甚欲去為湯餅
客惟愁錯寫弄塵書參軍新婦賢相敵阿大中郎喜
有餘我亦從來識英物試教啼看定何如

贈治易僧智周

寒窓孤坐凍生跼尚把遺編照露螢閣東九師新得
妙夢吞三畫舊通靈斷絃挂壁知音喪師與契嵩深
相知時已逝
矣揮塵空山亂石聽齋罷何須更臨水胸中自有洗
心經

張子野年八十五尚聞買妾述古今作詩
錦里先生自笑狂莫欺九尺髮眉蒼詩人老去鷺鷥

在公子歸來燕燕忙柱下相君猶有齒江南刺史已
無腸平生謬作安昌客略遣彭宣到後堂

書雙竹湛師房

我本江湖一釣舟意嫌高屋冷颼颼羨師此室纔方
丈一炷清香盡日留

暮鼓朝鍾自擊撞閉門孤枕對殘缸白灰旋撥通紅
火卧聽蕭蕭雪打窓

寶山新開徑

藤梢插刺元無路竹杖攪鞋不用扶風自遠來聞語
笑水分流處見江湖回觀佛國青螺髻踏遍仙人碧

玉壺野客歸時山月上棠梨葉戰暝禽呼

和述古冬日牡丹

一朵妖紅翠欲流春光回照雪霜羞化工只欲呈新
巧不放閑花得少休

花開時節雨連風却向霜餘滌爛紅漏泄春光私一
物此心未信出天工

當時只道鶴林仙能遣秋花發杜鵑誰信詩能迴造
化直教霜枿放春妍

不分清霜入小園故將詩律變寒暄使君欲見藍關
詠更倩韓郎為染根

和錢安道寄惠建茶

我官于南今幾時嘗盡溪茶與山茗胸中似記故人
面口不能言心自省為君細說我未暇試評其略差
可聽建溪所產雖不同一天與君子性森然可愛
不可慢骨清肉膩和且正雪花兩脚何足道啜過始
知真味永縱復苦硬終可錄汲黯少憊寬饒猛草茶
無賴空有名高者妖邪次頑曠體輕雖復強浮泛性
滯偏工嘔酸冷其間絕品豈不佳張禹縱賢非骨鯁
葵花玉鞞不易致道路幽嶮隔雲嶺誰知使者來自
西開緘磊落收百餅嗅香爵味本非別透紙自覺光
人怒生癭

和柳子玉喜雪次韻仍呈述古

詩翁愛酒長如渴餅盡欲沾囊已竭燈青火冷不成
眠一夜撚頰吟喜雪詩成就我覓歡處我窮正與君
髣髴骨不支投陳孟公有酒醉君仍飽德瓊瑤欲盡
天應惜更遣清光續殘月安得佳人擢素手笑捧玉
盃兩竒絕豔歌一山迴陽春坐使高堂生暖熟

弔天竺海月辯師三首

欲尋遺跡強沾裳本自無生可得亡今夜生公講堂
月滿庭依舊冷如霜

生死猶如臂屈伸情鍾我輩一酸辛樂天不是蓬萊
客憑仗西方作主人

欲訪浮雲起滅因無緣却見夢中身安心好住王文
度此理何須更問人

李頎秀才善畫山以兩軸見寄仍有詩次

韻答之

平生自是箇中人欲向漁舟便寫真詩句對君難出
下雲泉勸我早抽身年來白髮驚秋速長恐青山與

世新從此北歸休悵望囊中收得武林春

雪後至臨平與柳子玉同至僧舍見陳巖

列

落帆古戍下積雪高如丘強邀詩老出踈髯散颯颯
僧房有宿火手足漸和柔靜士素寡言相對自忘憂
銅鑪懼煙穩石鼎浮霜漚我行雖有程坐穩且復留
大哉天地間此生得浮遊

夜至永樂文長老院文時卧病退院

愁聞巴叟卧荒村來打三更月下門往事過年如昨
日此身未死得重論老非懷土情相得病不開堂道

益尊惟有孤栖舊時鶴舉頭見客似長言

柳氏二外生求筆迹

退筆成山未足珍讀書萬卷始通神君家自有元和脚莫厭家雞更問人

一紙行書兩絕詩遂良須鬢已如絲何當火急傳家法欲見誠懸筆諫時

錢安道席上令歌者道服

烏府先生鐵作肝霜風卷地不知寒猶嫌白髮年前少故點紅燈雪裏看他日卜隣先有約待君投綬我休官如今且作華陽服醉唱儂家七返丹

除夜野宿常州城外二首

行歌野哭兩堪悲遠火低星漸向微病眼不眠非守歲鄉音無伴苦思歸重衾脚冷知霜重新沐頭輕感髮稀多謝殘燈不嫌客孤舟一夜許相依

南來三見歲云徂直恐終身走道塗老去怕看新曆日退歸擬學舊桃符煙花已作青春意霜雪偏尋病客鬢但把窮愁博長健不辭最後飲屠酥

元日過丹陽明日立春寄魯元翰

堆盤紅縷細茵陳巧與椒花兩鬪新竹馬異時寧信老土牛明日莫辭春西湖弄水猶應早北寺觀燈欲

東坡集卷之五
及辰白髮蒼顏誰肯記曉來頻嚏為何人

古纏頭曲

鷓絃鐵撥世無有樂府舊工惟尚叟一生喙硬眼無人坐此困窮今白首翠鬟女子年十七指法已似呼韓婦輕帆渡海風掣迴滿面沙塵和淡垢青衫不逢湓浦客紅棗漫插曹綱手爾來一見哀臺他便着臂講躬并曰我慙貧病百不足強對黃花飲白酒轉關濩索動有神雷輟空堂戰窓牖四絃一抹擁袂立再拜十分為我壽世人只解錦纏頭與汝作詩傳不朽
刁同年草堂

不用長竿矯繡衣南園北第兩參差青山有約長當戶流水無情自入池歲夕醪醪渾欲合春來楊柳不勝垂主人不用怨怨去正是紅梅着子時

惠山謁錢道人烹小龍團登絕頂望太湖
踏遍江南南岸山逢山未免更留連獨携天上小圓月來試人間第二泉石路縈回九龍脊水光翻動五湖天孫登無語空歸去半嶺松聲萬壑傳

錢道人有詩云直須認取主人翁作兩絕
戲之

看斷故應無斷者冰消那復有水知主人若苦令儂

東坡集卷之五
十一
認認主人人竟是誰

有主還須更有賓不如無鏡自無塵只從半夜安心
後失却當年覺痛人

和蘇州太守王規甫侍太夫人觀燈之什

余時以劉道原見訪滯留京口不及赴此

會二首

不覺朱轡輾後塵爭看繡幟錦纏輪洛濱侍從三人
貴京兆平反一笑春但逐東山携妓女那知後閣走
窮賓滯留不見榮華事空作賡詩第七人

翻翻緹騎走香塵激激飛濤射火輪美酒留連三夜

月豐年傾倒五州春

時浙西皆以不熟罷燈惟蘇獨盛

安排詩律追

強對贈燈歸期為惡賓墮珥遺簪想無限華胥猶見

夢回人

成都進士杜暹伯升出家名法通往來吳

中

欲識當年杜伯升飄然雲水一孤僧若教俯首隨羶

鎖料得如今似我能

柳子玉云通若及第不過似我

東坡集卷第五

東坡集卷第六

詩九十九首

虎丘寺

入門無平田石路穿細嶺陰風生澗壑古木駭羽潭井
湛盧誰復見秋水光耿耿鐵花秀巖壁殺氣噤蛙鼃
幽幽生公堂左右立頑礪當年或未信異類服精猛
胡爲百歲後仙鬼互馳騁窈然留清詩讀者爲悲哽
東軒有佳致雲水麗千頃熙熙覽生物春意破淒冷
我來屬無事暖日相與永喜鵲翻初旦愁爲躑躅景
坐見漁樵還新月溪上影悟彼良自怡歸田行可請

常潤道中有懷錢塘寄述古五首

從來直道不辜身得向西湖兩過春沂上已成曾點
服泮宮初采魯侯芹休驚歲歲年年貌且對朝朝莫
莫人細雨晴時一百六畫船鼉鼓莫違民

草長江南鷺亂飛年來事事與心違花開後院還空
落燕入華堂怪未歸世上功名何日是樽前點檢幾
人非去年柳絮飛時節記得金籠放雪衣抗人以放
為太守

壽
浮玉山頭日日風岫也金溲金甌外已春融二年魚鳥
渾相識三月鶯花付與公剩看新翻眉倒暈未應泣

別臉消紅何人織得相思字寄與江邊北向鳴

國豔天饒酒半酣去年同賞寄僧簷但知撲撲晴香

軟誰見森森曉態嚴較雨共驚無幾日蜜蜂未許輕

先甜應湏火急迴征棹一片綬枝可得黏

惠山泉下土如濡陽羨溪頭米勝珠賣劍買牛吾欲

老殺雞為黍子來無地偏不信容高蓋俗儉真堪着

腐儒莫怪江南苦留滯經營身計一生迂

刁景純賞瑞香花憶先朝侍宴次韻

上苑天桃自作行劉郎去後幾回芳獻從年少追新
賞閑對宮花識舊香欲贈佳人非泛浦好紉幽佩弔

沉湘鶴林神女無消息為問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜竹
老戴公山下野桃香巖頭正練無天靜泉底真珠濺
客忙安得道人攜笛去一聲吹裂翠崖岡

景純見和復次韻贈之二首

解組歸來道益光坐看百物自炎涼卷簾堂上檀槽
閑送客林間樺燭香淺量已愁當酒怯非才尤覺和
詩忙何人貪佩黃金印千柱耽耽鎖北岡
人間膏火正爭光每到藏春得斲涼多事始知田舍

好凶年偏覺野藤香溪山勝畫徒能說來往如梭為
底忙老去此身無處著為翁栽插萬松岡

柳子玉亦見和因以送之兼寄其兄子璋

道人

不羨腰金照地光斲時假面弄西涼晴窗燕日肝腸
暖古殿朝真履袖香說靜故知猶有動無閑底處更
求忙先生官罷乘風去何用區區賦陟岡

子玉家宴用前韻見寄復答之

自酌金樽勸盃光更教長笛奏伊涼子玉家宴用前韻見寄復答之牽衣男
女遠太白扇枕郎君煩阿香詩病逢春轉深痼愁魔

得酒甞奔忙醒時情味吾能說日在西南白草岡

景純復以二篇一言其亡兄與伯父同年之契一言今者唱酬之意仍次其韻

靈壽扶來似孔光感時懷舊一悲涼蟾枝不獨同攀

桂雞舌還應共賜香為亦同等是浮休無得喪粗分憂

樂有閑忙年來世事如波浪鬱鬱誰知柏在岡

屢把鉛刀齒步光更遭華袞照龐涼蘇門山上莫長

嘯蔭荀林中無別香燭燼已殘中夜刻槐花還似昔

年忙背城借一吾何敢慎莫樽前替戾岡

金山寺與柳子玉飲大醉臥寶覺禪榻夜

分方醒書其壁

惡酒如惡人相攻劇刀箭頽然一榻上勝之以不戰

詩翁氣雄拔禪老語清軟我醉都不知但覺紅綠眩

醉時江月墮撼撼風響變惟有一龕燈二豪俱不見

大風留金山兩日

塔上一鈴獨自語明日顛風當斷渡朝來白浪打蒼

崖倒射軒窓作飛雨龍驤萬斛不敢過漁艇一葉從

掀舞細思城市有底忙却笑蛟龍為誰怒無事久留

童僕怪此風聊得妻孥許瀟山道人獨何事半夜不

眠聽粥鼓

東坡集卷之六
四
監洞霄宮俞康直郎中所居四詠

退圃

百丈休牽上瀨無一鈎歸釣縮頭鱗園中艸木春無
數只有黃楊厄閏年俗說黃楊退三寸

逸出王

新第誰來作並隣舊官寧復憶星辰請君置酒吾當
賀知向江湖拜散人

遜軒

冠蓋相望起隱淪先生那得老江村古來真遜何曾
遜笑殺逾垣與閉門

遠樓

西山煙雨卷疎簾北戶星河落短簷不獨江天解空
闊地偏心遠似陶潛

遊鶴林招隱二首

郊原雨初霽春物有餘妍古寺滿脩竹深林聞村鷓
睡餘柳花墮日眩山櫻然西窓有病客危坐看香煙
行歌白雲嶺坐咏脩竹林風輕花自落日薄山半陰
澗草誰復識聞香亦難尋時見城市人幽居惜未深

書普慈長老壁志誠

普慈寺後千竿竹醉裏曾看碧玉椽倦客再遊行老

矣高僧一笑故依然久叅白足知禪味苦澁黃公鶴
聒晝眠惟有两株紅百葉晚來猶得向人妍

書焦山綸長老壁

法師住焦山而實未嘗住我來輒問法法師了無語
法師非無語不知所答故君看頭與足本自安冠屨
譬如長鬣人不以長爲苦一旦或人問每睡安所措
歸來被上下一夜着無處展轉遂達晨意欲盡鑷去
此言雖鄙淺故自有深趣持此問法師法師一笑許
刁景純席上和謝生二首
候入仙人碧玉壺一歡那復間親踈杯盤狼藉吾何

敢車騎雍容子甚都此夜新聲聞北里他年故事紀
南徐欲窮風月三千界願化天人百億軀
縱飲誰能問挈壺不知門外曉星疎綺羅勝事齊三
閣賓主談鋒敵兩都榻畔煙花常歎杜海中童叟尚
追徐母多酌我公須聽醉後麤狂膽滿軀

留別金山寶覺圓通二長老

沐罷巾冠快晚涼睡餘齒頰帶茶香艤舟北岸何時
渡睇髮東軒未肯忙康濟此身殊有道醫治外物本
無方風流二老長還往顧我歸期尚渺茫

無錫道中賦水車

東坡集卷之六
翻翻聯聯銜尾鴉犖犖确确蛻骨蛇分畦翠浪走雲
陣刺水綠鍼抽稻牙洞庭五月欲飛沙鼉鳴窟中如
打衙天公不見老翁泣喚取阿香推雷車

杭州牡丹開時僕猶在常潤周令作詩見

寄次其韻復次一首送赴闕

羞歸應爲看花期已是成陰結子時與物寡情憐我
老遣春無恨賴君詩玉臺不見朝酣酒金縷猶歌空
折枝從此年年定相見欲師老圃問樊遲

莫負黃花九日期人生窮達可無時十年且就三都
賦萬戶終輕千首詩天靜傷鴻猶戢翼月明驚鵲未

安枝君看六月河無水萬斛龍驤到自遲

蘇州閭丘江君二家雨中飲酒二首

小圃陰陰遍灑塵方塘瀲灩欲生紋已煩仙袂來行
雨莫遣歌聲便駐雲肯對綺羅辭白酒試將文字惱
紅裙今宵記取醒時節點滴空堦獨自聞

五紀歸來鬢未霜十眉環列坐生光喚船渡口迎秋
女駐馬橋邊問泰娘曾把四絃娛白傅敢將百草鬪
吳王從今却笑風流守畫戟空凝宴寢香

次韻沈長官三首

家山何在兩忘歸杯酒相逢慎勿違不獨飯山嘲我

瘦也應糠覈怪君肥

男婚已畢女將歸累盡身輕志莫違誰道山中食無肉玉池清水自生肥

造物知吾久念歸似憐衰病不相違風來震澤帆初飽雨入松江水漸肥

戲書吳江三賢畫像二首

誰將射御教吾兒長笑申公為夏姬却遣姑蘇有麋鹿更憐夫子得西施范蠡

浮世功勞食與眠季鷹真得水中仙不須更說知機早直為鱸魚也自賢張翰

千首文章二頃田囊中未有一錢看却因養得能言

鷓鴣破玉孫金彈丸陸龜蒙

和劉孝叔會虎丘時王規甫齋素折雨不

至二首

白簡盛猶凜青山興已穠鶴閑雲作筆馳卧草埋峰
跪履若可教卜隣應見容因公問回老何處定相逢
太常齋未解不肯對織穠尺遺三千履來遊十二峰林
空蒼清唱澗淨寫衰容歸去瑤臺路還應月下逢

過永樂文長老已卒

初驚鶴瘦不可識旋覺雲歸無處尋三過門間老病

死一彈指頃去來今存亡慣見渾無淚鄉井難忘尚
有心欲向錢塘訪圓澤葛洪川畔待秋深

贈張刁二老

兩邦山水未淒涼二老風流總健強共成一百七十
歲各飲三萬六千場歲暮春鳩裏鶯花鬧仁壽橋邊日
月長惟有詩人被磨折金釵零落不成行

去年秋偶遊寶山上方入一小院闐然無
人有僧隱几低頭讀書與之語漠然不甚
對問其隣之僧曰此雲閣梨也不出十五
年矣今年六月自常潤還復至其室則死

葬數月矣作詩題其壁

雲師來寶山一住十五秋
去年造其室清坐忘百憂我初無言說師亦無對酬
今來復扣門空房但颺颺云已滅無餘薪盡火不留
却疑此室中嘗有斯人不所迴孰非夢事過吾何求
聽僧昭素琴

至和無攫醪至平無按抑不知微妙聲究竟何從出
散我不平氣洗我不和心此心如有在尚復此微吟
僧惠勤初罷僧職

軒軒青田鶴鬱鬱在樊籠既為物所縻遂與吾輩同

今來始謝去萬事一笑空新詩如洗出不受外垢蒙
清風入齒牙出語如風松霜鬣茁病骨飢坐聽午鍾
非詩能窮人窮者詩乃工此語信不妄吾聞諸醉翁
遊靈隱高峰塔

言遊高峰塔葶食治野裝火雲秋未衰又此初旦涼
霧霏巖谷暗日出草木香嘉我同來人夕便雲水鄉
相勸小舉足前路高且長古松攀龍地怪石坐牛羊
漸聞鍾磬音飛鳥皆下翔入門空無有雲海浩茫茫
但見聳道人老病時絕糧問年笑不答但指六藜牀
心知不復來欲歸更傍徨贈別留足布今歲天早霜

八月十七日天竺山送桂花分贈元素

月缺霜濃細蕊乾此花元屬桂堂仙鷲峰子落鷲前
夜蟾窟枝空記昔年破袂山僧憐耿介練裙溪女鬪
清妍願公採掇紉幽佩莫遣孤芳老澗邊

捕蝗至浮雲嶺山行疲苦有懷子由第二首

西來煙陣塞空虛灑遍秋田雨不如新法清平那有
此老身窮苦自招渠無人可訴烏衙肉憶弟難憑犬
寄書自笑迂踈皆此類區區猶欲理蝗餘
霜風漸欲作重陽熠熠溪邊野菊黃久廢山行疲弊

東坡集卷之六
一
确尚能村醉舞淋浪獨眠林下夢魂好回首人間憂
患長殺馬毀車從此逝子來何處問行藏

青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青牛
嶺崖泉咽咽千山靜君勿笑老僧耳聾喚不聞百年
俱是可憐人明朝且復城中去白雲却在題詩處

新城陳氏園次晁補之韻

荒涼廢圃秋寂歷幽花晚山城已窮僻况與城相遠
我來亦何事徒倚望雲巘不見苦吟人清樽為誰滿

梅聖俞詩集中有毛長官者今於潛令國

華也聖俞沒十五年而君猶為令捕蝗
其邑作詩戲之

詩翁憔悴老一官厭見首宿堆青盤歸來羞澁對
予自比鮎魚綠竹竿今君滯留生二毛飽聽衙鼓眠
黃紬更將嘲笑調朋友人道獼猴騎土牛頭君恰似
高常待暫為小邑仍刺史不願君為孟浩然却遭明
主放還山官遊逢此歲年惡飛蝗來時半天黑羨君
封境稻如雲蝗自識人人不識

與毛令方尉遊西善寺二首

推擠不去已三年魚鳥依然笑我頑人未放歸江北

東坡集卷之六
路天教看盡浙西山尚書清節衣冠後處士風流水
石間一笑相逢那易得數詩狂語不須刪
路轉山腰足未移水清石瘦便能奇白雲自占東西
嶺明月誰分上下池黑黍黃梁初熟後朱柑綠橘半
甜時人生此樂須天賦莫遣兒曹取次知

聽賢師琴

大絃春溫和且平小絃廉折亮以清平生未識宮與
角但聞牛鳴盎中雉登木門前剝啄誰扣門山僧未
閑君勿瞋歸家且覓千斛水淨洗後來箏笛耳

贈馮真何充秀才

君不見見路州別駕眼如電左手挂弓橫撚箭入不見
雪中騎驢孟浩然皺眉吟詩肩聳山飢寒富貴兩安
在空有遺像留人間此身常擬同外物浮雲變化無
蹤迹問君何苦寫我真君言好之聊自適黃冠野服
山家容意欲置我山巖中勳名將相今何限往寫褒
公與鄂公

回先生過湖州東林沈氏飲醉以石榴皮
書其家東老庵之壁云西隣已富憂不足
東老雖貧樂有餘白酒醪來因好客黃金
散盡為收書西蜀和仲聞而次其韻三首

東老沈氏之老自謂也。湖人因以名之。其子偕作詩有可觀者。

世俗何知貧是病，神仙可學清之餘。但知白酒留佳客，不問黃公覓素書。

符離道士晨興際，華岳先生口解餘。忽見黃庭丹篆句，猶傳青紙小朱書。

淒涼雨露三年後，髮鬢塵埃數字餘。至用榴皮緣底事，中書君豈不中書。

李行中秀才醉心亭

已向閑中作地仙，更於酒裏得天全。從教世路風波

惡，賀監偏工水底眠。

君且歸休我欲眠，人言此語出天然。醉中對客眠何害，須信陶潛未苦賢。

孝先風味也堪憐，肯為周公晝日眠。枕麴先生猶笑汝，枉將空腹貯遺編。

甘露寺彈箏

多景樓上彈神曲，欲斷哀絃再三促。江妃出聽霧雨愁，白浪翻空動浮玉。銜山喚取吾家雙鳳槽，遣作三峽猿猿號。與君合奏芳春調，啄木飛來霜樹杪。

單同年求德興俞氏聚遠樓詩三首

雲山煙水苦難親
野草幽花各自春
賴有高樓能聚
遠一時收拾與閑人

無限青山散不收
雲奔浪卷入簾鉤
直將眼力為疆
界何啻人間萬戶侯

聞說樓居似地仙
不知門外有塵寰
幽人隱几寂無
語心在飛鴻滅沒間

平山堂次王居卿祠部韻

高會日陪山簡醉
狂言屢發次公醒
洒如人面天然
白山向吾曹分外清
江上飛雲來北固
檻前脩竹憶
南屏六朝興廢餘
丘壘空使姦雄笑
寧馨

次韻陳海州書懷

鬱鬱蒼梧海上山

東海鬱州山云
自蒼梧浮來

蓬萊方丈有無間

舊聞草木皆仙藥
欲弃妻孥守市闌
雅志未成空自
歎故人相對若為顏
酒醒却憶兒童事
長恨雙鳧去
莫攀陳曾令
御邑

次韻陳海州乘槎亭

人事無涯生有涯
逝將歸釣漢江槎
乘桴我欲從安
石遁世誰能識
子差日上紅波浮
碧巘潮來白浪卷
青沙清談羨景雙
竒絕不覺歸鞍帶月華

次韻孫職方蒼梧山

蒼梧奇事豈虛傳荒怪還須問千年遠託黿頭轉滄
海來依鵬背負青天或云靈境歸賢者又恐神功亦
偶然聞道新春恣遊覽羨君平地作飛仙

次韻孫巨源寄連水李盛二著作并以見
寄五絕

南嶽諸劉豈易逢相望無復馬牛風山公雖見無多

子杜燕何由戀塞鴻昔與巨源劉貢父劉羊老相遇
於山陽白尔契闊惟巨源近者

復相見
於京口

高才晚歲終難進勇退當年正急流不獨二疎為可

慕他時當有景孫樓巨源近離東海
郡有景疎樓

漱石先生難可意謂巨源齧鮮謂李尉父無朋謂白應知

客路愁無奈故遣吟詩調李陵謂李君也

雲雨休排神女車忠州老病畏人誇詩豪正值安仁

在空看河陽滿縣花盛為邑宰

膠西未到吾能說桑柘禾麻不見春不羨京塵騎馬

客羨他淮月弄舟人

王莽

漢家殊未識經綸入手功名事事新百尺穿成連夜
井千金購得解飛人

董卓

公業平時勸用儒諸公何事起相圖只言天下無徒
者豈信車中有布乎

虎兒

舊聞老蚌生明珠未省老兔生於菟老兔自謂月中
物不騎快馬騎蟾蜍蟾蜍爬沙不肯行坐令青衫垂
白鬚於菟駿猛不類渠指揮黃熊駕黑驅丹砂紫麝
不用塗眼光百步走妖狐妖狐莫誇智有餘不勞搖
牙咀爾徒

除夜病中贈段屯田

龍鍾三十九勞生已強半歲莫日斜時還為昔人歎

東坡詩云行年三十九歲莫日斜時今年一線在那復堪把玩欲起強
持酒故交雲雨散惟有病相尋空齋為老伴蕭條燈
火冷寒夜何時旦勸僕觸屏風飢聽嗅空案數朝閉
閣卧霜髮秋蓬亂傳聞使者來策杖就梳盥書來苦
安慰不怪造請緩大夫忠烈後高義金石貫要當擊
權豪未肯覩哀懦此生何所似閻盡灰中炭歸田計
已決此邦聊假館三徑粗成貨一枝有餘煖願君更
信宿庶奉一笑粲

喬太博見和復次韻答之

百年三萬日老病常居半其間迂憂樂歌笑雜悲歎

顛倒不自知直為神所玩須臾便堪笑萬事風雨散
自從識此理又謝少年伴逝將遊無何豈暇讀城旦
非才更多病二事可并案愧煩賢使者弭節整紛亂
喬侯瑚璉質清廟嘗薦盥奮髯百吏走坐變齊俗緩
未遭其鷁退並進恥魚貫每聞議論餘凜凜激貪懦
莫邪當自躍豈復煩爐炭便應朝秣越未暮刷燕館
胡為守故丘眷戀桑榆煖為君扣牛角一味南山粲

二人再和亦再答之

寒雞知將晨飢鶴知夜半亦如老病客遇節常感歎
光陰等敲石過眼不容玩親友如搏沙放手還復散

羈旅每自笑寂寞誰肯伴元達號神君

循吏為神君

高論森月且紀明本賢將

根釋之

泐沒事堆案欣然

肯相顧夜閣燈火亂盤空愧不飽酒薄僅堪盥雍容
許着帽不怪安石緩雖無窈窕人清唱弄珠貫幸有
從橫舌說劍起慵懦二豪沉下位暗火埋濕炭豈似
草玄人默默老儒館行看富貴逼炙手借餘煖應念
苦思歸登樓賦玉粲

雪後書北臺壁二首

黃昏猶作雨纖纖夜靜無風勢轉嚴但覺衾裯如發
水不知庭院已堆監五更曉色來書幌半月寒聲落

畫簷試掃北臺看馬耳未隨埋沒有雙尖
城頭初日始翻鴉陌上晴泥已沒車凍合玉樓寒起
粟光搖銀海眩生花遺蝗入地應千尺宿來連雲有
幾家老病自嗟詩力退空吟冰柱憶劉叉

謝人見和前篇二首

已分酒盃欺淺懦敢將詩律闢深嚴漁叢句好應須
畫柳絮才高不道鹽敗履尚存東郭指飛花又舞謫
仙簷書生事業真堪笑忍凍孤吟筆退尖

九陌淒風戰齒牙銀杯逐馬帶隨車也知不作堅牢
玉無奈能開頃刻花得酒強歡愁底事閉門高卧定

誰家堂前日煖君須愛冰下寒魚漸可叉

鐵溝行贈喬太博

城東坡壠何所似風吹海濤低復起城中病守無所
為走馬夾尋鐵溝水鐵溝水淺不容輶恰似當年韓
與侯有魚無魚何足道駕言聊復寫我憂荒村野店
亦何有欲發狂言須斗酒山頭落日側金盃倒着接
離搔白首忽憶從軍年少時輕裘細馬百不知臂弓
腰箭南山下進逐長楊射獵兒老去同君兩憔悴
夜醉歸人不避今年定起故將軍未肯先誅灞陵尉

出城送客不及步至溪上二首

送客容已去尋花花未開未能城裏去且復水邊來父
老借問我史君安在哉今年好雨雪會見麥千堆
春來六十日笑口幾回開會作堂堂去何妨得得來勸
游行老矣猶隱賦歸哉東望峨眉小廬山翠作堆
郡陳廬山並
類峨眉而小

蘇州姚氏三瑞堂姚氏山
以萃齋

君不見董邵南隱居行義孝且慈天公亦恐無人知
故令雞狗相哺兒又令韓老為作詩爾來三百年名
與淮水東南馳此人世不乏此事亦時有楓橋三瑞
皆目見天意宛在虞鰥後惟有此詩非昔人君更往

求無價手

莫笑銀杯小谷喬太博

陶潛一縣令獨飲仍獨醒猶將公田二頃五十畝種
秫作酒不種杭我今號為二千石歲釀百石何以醉
賓客請君莫笑銀杯小爾來歲旱東海窄會當拂衣
歸故丘作書貸粟監河侯萬斛船中着美酒與君一
生長拍浮

送段屯田分得千字

勸農使者古丈夫不惜春衫踐泥塗二事匪監君甚
劬奉常客卿虬兩須東武縣今天馬駒泮宮先生非

俗儒相與野飲四子俱樂哉此樂城中無溪邊策杖
自攜壺腰笏不須何易十膠西病守老且迂空齋愁
坐紛墨朱四十豈不知頭顱畏人不出何其愚

和段屯田荆林館

南山有佳色無人空自竒清詩為題品草木變芬菲
謝女得秀句留待中郎歸便當勒鞭策僕勸馬亦飢

段有姪
女在密

贈上天竺辯才師

南北一山門上下兩天竺中有老法師瘦長如鶴鵠
不知修何行碧眼照山谷見之自清涼洗盡煩惱毒

坐令一都會勇丈禮白足我有長頭兒角頰峙犀玉
四歲不知行抱肩頰背腹師來為摩頂起走趨奔鹿
乃知戒律中妙用謝羈束何必言法華佯狂啖魚肉

遊廬山次韻章傳道

塵容已似服轅駒野性猶同縱壑魚出入巖巒千仞
表較量筋力十年初雖無窈窕驅前馬還有鷓夷挂
後車莫笑吟詩淡生活當令阿買為君書

廬山五詠

廬山五詠

圖經云教秦博士
避難此山遂得道

上界足官府飛昇亦何益還在此山中相逢不相識

飲酒臺

博士雅好飲空山誰與娛莫向驪山去君王不喜儒

聖燈巖

石室有金丹山神不知秘何必露光芒夜半驚童稚

三泉

皎皎巖下泉無人還自縈不用比三星清光同一月

障日峯

其狀類峨眉但小耳

長安自不遠蜀客苦思歸莫教名障日喚作小峨眉

東坡集卷第六

